



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1460. usque ad annum 1478

Fleury, Claude

August. Vind. [u.a.], 1768

VD18 90118332

§. 73. Epistola Scanderbegi ad Papam de pace cum Turcis inita

[urn:nbn:de:hbz:466:1-66459](https://nbn-resolving.org/urn:nbn:de:hbz:466:1-66459)

Peloponesum occuparet. Demum iidem Albanenses, & Insulanos auxilio adfuturos, Aloyfio pollicentur. Hic jamjam iussa exequi parat, cum ecce! nuntium deferatur, Mahometem prospero armorum successu totam ferme Bosniam occupasse; cum ergo Veneti classem suam inopinato impetu a Turcis obrui pertimescerent, summi Pontificis opem implorant, qui etiam Bessarione Cardinale Venetias misso, eisdem spem auxilii præbuit, metumque invasionis dissipare conatus est, tam felici eventu, ut Veneti resumptis animis bellum in Turcas publice decernerent, illudque Lauredanus tam prospero Marte gereret, ut Isthmum occuparet, ac munimentis firmaret, necnon Lemnos, & complures Insulas Ægæi maris, abjecto Turcarum jugo Venetorum imperio adjungeret.

Sæcul. XV.
A.C. 1463.

Comment.
Pii II. l. 12.
Chalcondyl.
lib. 10.
Phranz. l. 3.
cap. 27.

§. LXXIII.

Epistola Scanderbegi ad Papam de pace cum Turcis inita.

Rebus tam prospere succedentibus vehementer lætabatur Pontifex, brevi tamen paulisper imminutum est ejus gaudium, dum legationem accipit a Scanderbego, simulque comperit, quod Mahometes Scopiam urbem ad Bosniæ, & Albanæ fines sitam, cum innumeris

Comm. l. 8.

Sæcnl. XV. pene copiis invasisset, Scanderbegus vero, cum tantæ potentæ vires suas resistendo impares cognosceret, unicum conservandæ Provinciæ remedium reliquum habuerit, ut pacem ab hoste peteret. Si vero, addebant legati, summus Pontifex bellum a Scanderbego adversus Turcas restaurari cuperet, tunc eidem in Patrimonio Ecclesiæ tutum quoddam receptaculum designaret, quo, si regno pelleretur a Turcis, se recipere, ibidemque quiete vivere valeret. Ad hæc Pontifex respondit, quod pacem a Scanderbego initam haud reprobaret, eoquod dura conservandæ Provinciæ necessitate extorta fuisset, simulque Scanderbegum certum esse iussit, quod eidem in agris Ecclesiæ tutus refugii locus nunquam defuturus esset, si pro tuenda religione decertans a fidei hostibus regno suo ejiceretur. Hæc Gobelinus, cui majorem fidem tribuimus, quam vitæ Scanderbegi Scriptoribus, qui referunt, quod post reditum suum ex Italia plurimas de Turcis victorias reportaverit, ipsumque etiam Mahometem eo adegerit, ut pacem efflictim ab eo peteret; addunt etiam iidem Historici, quod Sultanus pacem vix a Scanderbego obtentam mox Venetis, & Archiepiscopo Dyrrachiensi suadentibus violaverit.

§. LXXIV.